

## **BOŽIJA UPUTSTVA I ZA MUŠKARCE I ŽENE NAVEDENA U ČASNOM KUR'ANU**

### **Muž i žena su stalni odnos**

*(zabranjeno vam je)* da uzimate udate žene, osim onih koje vaše desne ruke posjeduju. Ovo vam je Allah naredio. A dozvoljene su vam one mimo toga, da tražite sa svojim imetkom, da time čuvate svoju čast, a ne da činite razvrat. A obavezno im dajte njihove vjenčane darove za korist koju ste imali od njih, i neće biti grijeh ako se uzajamno složite s razumijevanjem *(da promijenite)* ono što ste dogovorili o daru. Sigurno Allah ima vječno znanje *(i)* mudar je. (An-Nisa 4:25)

### **Odobrenje za ženidbu više od jedne žene**

A ako se bojite da nećete postupati pravedno prema siročadima, onda oženite žene koje želite, po dvije, i po tri, i po četiri. A ako se bojite da nećete postupati pravedno, onda samo jedna *(je dosta)*, ili one koje vaše desne ruke posjeduju. To je najbliži *(način)* za vas da se čuvate od nepravедnosti. . (An-Nisa4:4)

### **Recipročna prava i obaveze**

I one *(žene)* imaju pravo nad muškarcima kao što oni *(muškarci)* imaju nad njima; inače, muškarci imaju jednu vrstu prednosti nad njima. A Allah je moćan, mudar. (2:229)

O vjernici! Za vas nije dozvoljeno da nasljeđujete *(nasljedstvo)* žene silom; niti da im izazivate teškoće da biste im oduzeli dio od onog što ste im dali, osim ako one budu krive za sramotno djelo; i boravite s njima na lijep način; a ako vi njih ne volite, može biti da vi ne volite jednu stvar u koju je Allah stavio mnogo dobra. (4:20)

### **Kako postupiti s ženama koje čine bestidno djelo**

A za one vaše žene koje počine bestidno djelo – pozovite četvero između vas da svjedoči protiv njih; i ako oni posvjedoče, onda ih držite u kućama dok im smrt ne dođe ili Allah ne nađe neki *(drugi)* izlaz za njih. (4:16)

### **Odnos muža i žene je kao odjeća jedno drugog**

Dozvoljen vam je intimni odnos sa vašim ženama u noći *(mjeseca)* posta. One su odjeća vaša, i vi ste odjeća njihova. .... i nemojte imati intimni odnos s njima dok boravite u džamijama u itikafu. Ovo su Allahove granice, zato im se ne približujte. Ovako Allah objašnjava ljudima Svoje ajete da bi bili bogobojazni. (2:188)

### **Muž i žena su izvor mira jedno za drugo**

On je Taj koji vas je stvorio od jedne duše i od nje stvorio njenog partnera, da se on nakloni prema njoj da se smiri..... (Al A'raf 7:190)

### **Dobročinstvo između jedno drugog**

A ako se razvedete prije nego što ste ih dotakli, a odredili ste za njih vjenčani dar *(mehr)*, onda im dajte polovinu toga, osim ako vam one oprostite, ili vam oprostí onaj koji je

zastupa u sklapanju braka. A ako oprostite, to je bliže bogobožnosti. I ne zaboravite da činite dobro jedno drugom. Sigurno Allah vidi ono što radite. (2:238 )

### **Je obavezujući zavjet**

A kako vi to možete uzeti kad ste se jedno s drugim sreli (*u privatnosti*), i one (*žene*) su uzele od vas čvrsto obećanje (*vjernosti*)? (Nisa 4:22 )

### **Je obavezujuće, podložno sredstvima**

I udajte udovice između vas, i ženite muške sluge, i udajte ženske sluge koji su dobri. Ako su oni siromašni, Allah će ih od Svoje blagodati obogatiti; Allah je Taj koji puno povećava i ima vječno znanje. Oni koji ne nađu sredstava za brak treba da se čuvaju dok ih Allah ne obogati iz Svoje blagodati. (An-Nur 24:33)

### **Brak je zabranjen sa idolopoklonicima**

I ne ženite žene idolopoklonike dok one ne budu vjerovala; sigurno je robinja vjernica bolja od (*slobodne*) mnogoboškinje, ma koliko vam se sviđala. I ne udajte (*svoje kćeri*) za idolopoklonike dok oni ne budu vjerovali; sigurno je vjernik rob bolji od (*slobodnog*) idolopoklonika, ma koliko vam se on sviđao. Ovo su ljudi koji pozivaju Vatri, a Allah (*vas*) poziva Džennetu i oprost Svojom odredbom. I On Svoje znakove pojašnjava ljudima da budu posavjetovani.(2:222)

O vi koji vjerujete! Kad vam dođu žene vjernice kao muhadžiri, ispitajte ih. Allah najbolje zna njihovu vjeru. A ako uvidite da su one vjernice, ne šalžite ih natrag nevjernicima. One njima nisu dozvoljene, niti su oni dozvoljeni njima. I podajte (*njihovim posrednicima*) ono što su potrošili. I nije vam grijeh da ih oženite kad im dadnete njihove vjenčane darove. Nemojte predmet udaje žena nevjernica uzimati u svoje ruke; i tražite ono što ste vi potrošili; i neka oni (*nevjernici*) traže ono što su oni potrošili. Ovo je Allahova naredba. On sudi među vama. A Allah sve zna (*i*) mudar je. A ako neka od žena vaših ode od vas nevjernicima, a već ste uzeli otkup, onda dadnite onima čije su žene otišle onoliko koliko su oni potrošili. I bojte se Allaha u koga vjerujete. ( Al-Mumtahinah 60:11, 12)

### **Postupanje s ženama**

Vaše žene su vaše njive; zato prilazite svojim njivama kako želite i pošaljite unaprijed (*nešto*) za sebe; i bojte se Allaha i znajte da ćete se sigurno sresti s Njim; i podaj radosne vijesti vjernicima (2:224)

### **Zabranjeno je nuditi brak ženi u toku njenog perioda čekanja**

I nije vam grijeh da ovim ženama dadnete na znanje da ćete ih oženiti ili da to skrivate u svojim srcima. (čiji su muževi umrli i ostavili supruge iza sebe, ali one treba da čekaju četiri mjeseca i deset dana) Allah zna da ćete vi sigurno misliti o njima. Ali im nemojte ništa obećavati skriveno, osim da govorite lijepo. I ne odlučujte se na sklapanje braka dok propisani rok ne istekne. I znajte da Allah zna šta je u vašim srcima; zato Ga se čuvajte. I znajte da Allah najviše prašta (*i*) blag je.(2:236)

### **Zabranjeno je ženiti ženu pod prisilom**

O vjernici! Za vas nije dozvoljeno da nasljeđujete (*nasljedstvo*) žene silom; niti da im izazivate teškoće da biste im oduzeli dio od onog što ste im dali, osim ako one budu krive za sramotno djelo; i boravite s njima na lijep način; a ako vi njih ne volite, može biti da vi ne volite jednu stvar u koju je Allah stavio mnogo dobra.(4:20)

### **Žene sa kojima je brak zabranjen**

I ne ženite one žene koje su vaši očevi oženili, osim onog što je već prošlo. To je bestidno i omrznuo djelo i ružan put. Zabranjene su vam vaše majke, i vaše kćeri, i vaše sestre, i tetke po ocu, i tetke po majci, i bratične, i sestrične, i vaše majke koje su vas dojile, i vaše sestre po mlijeku, i vaše punice, i vaše pastorke, koje su pod vašim staranjem po ženama vašim sa kojima ste imali bračne odnose – a ako sa ovim (*ženama*) niste imali bračne odnose, onda na vama nije grijeh – i supruge vaših rođenih sinova; i također (*vam je zabranjeno da oženite*) dvije sestre zajedno, osim onog što je već prošlo; sigurno Allah najviše prašta, (*i*) milostiv je. I (*zabranjeno vam je*) da uzimate udate žene, osim onih koje vaše desne ruke posjeduju. Ovo vam je Allah naredio. A dozvoljene su vam one mimo toga, da tražite sa svojim imetkom, da time čuvate svoju čast, a ne da činite razvrat. A obavezno im dajte njihove vjenčane darove za korist koju ste imali od njih, i neće biti grijeh ako se uzajamno složite s razumijevanjem (*da promijenite*) (4:23-25)

### **Razvedene žene i hudovice su slobodne da se udaju**

I kad razvedete žene i one ispune (*propisani*) rok, nemojte ih sprečavati da se udaju za svoje (*očekivane*) muževe, ako se oni na uljudan način slože između sebe. Ovo je savjet za onog među vama ko vjeruje u Allaha i Sudnji dan. To je veće dobročinstvo za vas i čistije; a Allah zna, a vi ne znate. (2:233)

A koji od vas umru, a ostavili su žene iza sebe, one će čekati četiri mjeseca i deset dana. I kad ispune svoj (*propisani*) rok, na vama neće biti grijeh šta god one na ugodan način sa sobom učine. A Allah je uvijek obaviješten o onom što vi radite. I nije vam grijeh da ovim ženama dadnete na znanje da ćete ih oženiti ili da to skrivate u svojim srcima. Allah zna da ćete vi sigurno misliti o njima. Ali im nemojte ništa obećavati skriveno, osim da govorite lijepo. I ne odlučujte se na sklapanje braka dok propisani rok ne istekne. I znajte da Allah zna šta je u vašim srcima; zato Ga se čuvajte. I znajte da Allah najviše prašta (*i*) blag je. (2:235,236)

### **Opskrba za razvedene žene i hudovice**

A oni od vas koji umru i ostave iza sebe žene, za njih je oporuka da imaju opskrbu za godinu dana (*u svojim domovima*) i da ne budu istjerane. A ako one same iziđu, neće biti grijeha na vama šta god one na ugodan način za sebe odluče. A Allah je moćan, mudar.(2:241)

O Poslaniče! Kad razvodite žene svoje, razvedite se za (*propisani*) period, i računajte određeno vrijeme (*iddet*); i bojte se Allaha, Gospodara svoga. Nemojte ih istjerivati iz kuća njihovih, neka one same ne izlaze, osim ako su počinile očito bestidno djelo. Ovo su Allahove granice; i ko god prekorači Allahove granice, on zaista učini nepravdu svojoj duši. Ti ne znaš, možda poslije toga Allah pokaže neku (*novu*) odredbu. (Al-Talaq 65:2)

Smjestite ih gdje i vi boravite, prema svojim mogućnostima; i nemojte ih uznemiravati i stvarati im teškoće. A ako budu trudne, trošite na njih dok se ne porode. A ako one doje (*dijete*) za vas, dadnite im njihovu naknadu, i odlučujte o svojim poslovima međusobnim sporazumijevanjem na lijep način. No, ako nađete na poteškoće između sebe, onda neka mu druga (*žena*) doji (*dijete*). (Al-Talaq 65:7)

### **Dar za brak je propisan**

A obavezno im dajte njihove vjenčane darove za korist koju ste imali od njih, i neće biti grijeh ako se uzajamno složite s razumijevanjem (*da promijenite*) ono što ste dogovorili o daru. Sigurno Allah ima vječno znanje (*i*) mudar je.(4:25 )

Na vama nije grijeh ako se razvedete od žena prije nego što ih dotaknete, ili prije nego što odredite vjenčani dar (*mehr*). Ali osigurajte za njih neku korist – bogat čovjek prema svojim mogućnostima, a siromašan čovjek prema svojim mogućnostima – na lijep način; ovo je obaveza za one koji hoće da čine dobro.(2:237)

### **Žena možda oprost**

I dajte ženama od srca njihove vjenčane darove. Pa ako vam one, drage volje, dadnu nešto od toga, jedite to sa ugodnošću i prijatnošću.(4:5)

### **Zabranjeno je bračni odnos sa ženama u hajzu i tokom posta**

I oni te pitaju o menstruaciji. Reci: "To je neugodno (*stanje*), zato se odmaknite od žena u toku menstruacije, i nemojte održavati intimne odnose s njima dok su nečiste. Pa kad se one očiste (*okupaju*), prilazite im kako vam je Allah naredio. Allah voli one koji se često kaju i one koji se čiste."(2:223)

I zabranjeno vam je da imate bračni odnos sa svojom ženom u danima posta do noći; zatim dok ste u džamijama (u itikafu) radi ibadeta. (2:188)

u toku hadža ...nema nikakvih prekoračenja granica niti prepirki u toku hadža. (2:198)

### **Period čekanja ('iddet) prije udaje**

A razvedene žene treba da čekaju tri menstruacije; i nije im dopušteno da skrivaju ono što je Allah stvorio u njihovim maternicama, ako vjeruju u Allaha i Sudnji dan; a njihovi muževi imaju najveće pravo da ih uzmu natrag ako žele popravak. I one (*žene*) imaju pravo nad muškarcima kao što oni (*muškarci*) imaju nad njima; inače, muškarci imaju jednu vrstu prednosti nad njima. A Allah je moćan, mudar. (2:229 )

A koji od vas umru, a ostavili su žene iza sebe, one će čekati četiri mjeseca i deset dana. I kad ispune svoj (*propisani*) rok, na vama neće biti grijeh šta god one na ugodan način sa sobom učine. A Allah je uvijek obaviješten o onom što vi radite.(2:235)

### **Period za čekanje trudne žene i žene koja nema mjesečno pranje**

Među vašim ženama koje su izgubile nadu u mjesečno pranje, ako sumnjate, njihov rok je tri mjeseca, a i onima koje nisu imale mjesečno pranje. A one koje su trudne, njihov period će biti dok se ne porode. A onome ko se Allaha boji, On će olakšati Svojom odredbom.(65:5Al-Talaq )

**Razvod: može biti najavljen dva puta. Onda ih ili zadržite na pristojan način ili ih blago odašaljite.**

Razvod je dva puta; onda (*poslije toga*), ili ih zadržite na lijep način ili se na lijep način razvedite. I nije vam dozvoljeno da uzimate bilo šta od onog što ste im (*ženama*) dali, osim ako se oboje bojite da se nećete moći držati Božijih granica. Isto tako, ako se njih oboje boje da se neće moći držati Božijih granica, onda neće biti grijeh oboma u onom (*imetku*) što ona odluči da dadne (*u korist muža za rješenje ovog problema*). Ovo su Allahove granice, zato ih ne prekoračujte; a ko god prekoračuje Allahove granice, to su ljudi silnici.

A ako se (*muškarac*) opet od nje razvede, onda se ona ne može vratiti svome mužu poslije toga, dok se ne uda za drugog muža; i, ako se on (*također*) razvede od nje, onda njima neće biti grijeh da se vrate jedno drugom, ako smatraju da će se (*ovog puta*) držati Božijih granica. A ovo su Allahove granice koje On pojašnjava ljudima koji imaju znanje.

I kad se razvedete od žena i one ispune svoj (*propisani*) period, onda ih ili zadržite na lijep način ili se na lijep način od njih rastavite; ali ih nemojte zadržavati da bi ih povrijedili. A ko čini tako, sigurno nanosi štetu svojoj duši. I nemojte od Allahovih ajeta praviti šalu, i sjetite se Allahove blagodati prema vama i Knjige i mudrosti koju vam je On dao, kojom vas savjetuje. I bojte se Allaha i znajte da Allah dobro zna sve stvari. (2:230,231, 232)

**Aranžman za djecu**

I neka majke doje svoju djecu dvije cijele godine- za onog (*čovjeka*) koji želi da dojenje bude potpuno. A (*muškarac*) čije je dijete zadužen je za njezinu (*ženinu*) ishranu i odjeću na ugodan način. Nijedna duša se ne opterećuje preko njene mogućnosti. Nemojte da majci bude nanesena šteta zbog njenog djeteta, niti ocu zbog njegovog djeteta, a isto je stavljeno u dužnost nasljedniku. Ako se oboje njih odluče da prekinu dojenje međusobnim razumijevanjem i sporazumom, nema grijeha na njima. A ako želite da vam dijete hrani (*doji*) neko drugi, nema grijeha na vama, pod uvjetom da (*im*) na ugodan način dadnete ono što treba da dadnete. I bojte se Allaha i znajte da Allah prozire šta vi radite. (2:234)

Za one koji se zakunu da neće imati intimnog odnosa sa svojim ženama, dopušteno čekanje je četiri mjeseca; ako se oni onda vrate, Allah zaista najviše prašta, (*i*) milostiv je. A ako oni konačno odluče da se razvedu, pa sigurno Allah sve čuje (*i*) ima trajno znanje. (2:227,228)